

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10) a u vezi sa članom 22. Zakona o izvršavanju Budžeta Zeničko-dobojskog kantona za 2012. godinu („Službene novine Zeničko-dobojskog kantona“, broj 5/12), a na prijedlog Ureda premijera Zeničko-dobojskog kantona, Vlada Zeničko-dobojskog kantona, na 70. sjednici, održanoj 12.07.2012. godine, d o n o s i

ZAKLJUČAK

o usvajanju Programa utroška finansijskih sredstava, sa razdjela 11 – Ured premijera, budžetska organizacija 01, potrošačka jedinica 0001, ekonomski kod 614200 (BCD201), pozicija „Tekući transferi za posebno nadarene i talentovane mlade“, Budžeta Zeničko-dobojskog kantona za 2012. godinu

I.

Usvaja se Program utroška finansijskih sredstava sa kriterijima za dodjelu sredstava, sa razdjela 11 – Ured premijera, budžetska organizacija 01, potrošačka jedinica 001, ekonomski kod 614200 (BCD201), pozicija „Tekući transferi za posebno nadarene i talentovane mlade“, Budžeta Zeničko-dobojskog kantona za 2012. godinu u iznosu od 40.000,00 KM (slovima: četrdesethiljada konvertibilnih maraka), i čini sastavni dio ovog zaključka.

II.

Sredstva iz Programa iz tačke I. ovog zaključka realizovat će se u skladu sa odobrenim mjesečnim planovima, a usklađeno sa realizacijom ostvarenih javnih prihoda u prethodnom mjesecu, osim u slučajevima odobrenim posebnom odlukom vlade.

III.

Sredstva iz člana I. ovog zaključka koristiće se po prijedlogu Ureda premijera, na osnovu akta kojeg donosi Vlada.

IV.

Za realizaciju ovog zaključka zadužuju se Ured premijera i Ministarstvo finansija, svako u okviru svojih nadležnosti.

V.

Zaključak stupa na snagu danom donošenja.

Broj: 02-_____/12.
Datum, 12.07.2012. godine
Zenica

PREMIJER

mr.sci. Fikret Plevljak, dipl.ing.

DOSTAVLJENO:

1x Ured premijera,
1x Ministarstvo finansija,
1x a/a

PROGRAM

utroška finansijskih sredstava, sa razdjela 11 – Ured premijera, budžetska organizacija 01, potrošačka jedinica 0001, ekonomski kod 614200 (subanalitika BCD 201), pozicija „Tekući transferi za posebno nadarene i talentovane mlade“, Budžeta Zeničko-dobojskog kantona za 2012. godinu

1. NAZIV PROGRAMA

Program utroška finansijskih sredstava sa kriterijima za dodjelu sredstava, sa razdjela 11 – Ured premijera, budžetska organizacija 01, potrošačka jedinica 001, ekonomski kod 614200 (subanalitika BCD 201), pozicija „Tekući transferi za posebno nadarene i talentovane mlade“, Budžeta Zeničko-dobojskog kantona za 2012. godinu.

2. OPIS (SVRHA) PROGRAMA

Ovim programom Vlada Zeničko-dobojskog kantona (u daljem tekstu: Vlada), u skladu sa svojim ovlaštenjima i u budžetu planiranim sredstvima, želi:

- dati materijalnu podršku mladima, organima i organizacijama za mlade Zeničko-dobojskog kantona, čije finansiranje nije predviđeno u okviru drugih programa kantonalnih ministarstava;
- promovirati doprinos angažiranju i afirmaciji mladih u oblasti obrazovanja, nauke, kulture i drugih oblasti kreativnog stvaralaštva mladih;
- dati doprinos popularizaciji i razvoju omladinskog aktivizma;
- dati doprinos unapređenju položaja mladih u Zeničko-dobojskom kantonu, Federaciji Bosne i Hercegovine, kao i u cijeloj Bosni i Hercegovini kroz aktivno učešće mladih u susretima mladih, seminarima, smotrama stvaralaštva mladih kao i takmičenje u svim oblastima društvenog i sportskog života;
- poboljšati položaj društveno osjetljivih kategorija mladih osoba.

3. POTREBNA SREDSTVA ZA PROVOĐENJE PROGRAMA

- U Budžetu Zeničko-dobojskog kantona u ovu svrhu planirana su sredstva u iznosu od 40.000,00 KM na razdjelu 11, budžetska organizacija 01, potrošačka jedinica 001, ekonomski kod 614200 (BCD 201), pozicija „Tekući transferi za posebno nadarene i talentovane mlade“ Budžeta Zeničko-dobojskog kantona za 2012. godinu („Službene novine Zeničko-dobojskog kantona“, broj 5/12).
- Planirana sredstva u za ovu namjenu u budžetu Zeničko-dobojskog kantona raspoređuju se na sljedeće pozicije u Programu:

Broj	Naziv programa	Svrha programa	Organizacija-primalac	Iznos
1	2	3	4	5
1	Podrška mladim u procesu obrazovanja i takmičenjima mladih iz oblasti obrazovanja	Stimulisanje mladih na još bolje rezultate u radu i stvaralaštvu	Učenici osnovnih i srednjih škola te studenti	20.000,00
2	Podrška mladim stvaraocima iz oblasti kulturnog života i sporta	Stimulisanje mladih na još bolje rezultate u radu i stvaralaštvu	Pojedinačni mladi stvaraoci iz oblasti kulturnog života, kao i organizacije koje okupljaju mlade iz oblasti kulture	8.000,00
3	Podrška organizacijama mladih koje nisu obuhvaćene finansiranjem resornih Ministarstava	Stimulisanje mladih na još bolje rezultate u radu i stvaralaštvu	Institucije, organizacije i udruženja mladih	8.000,00
4	Sredstva rezerve			4.000,00
U K U P N O:				40.000,00

- Sredstva iz Programa utroška finansijskih sredstava sa kriterijima za dodjelu sredstava, sa razdjela 11 – Ured premijera, budžetska organizacija 01, potrošačka jedinica 0001, ekonomski kod 614200 (subanalitika BCD 201), pozicija „Tekući transferi za posebno nadarene i talentovane mlade“, Budžeta Zeničko-dobojskog kantona za 2012. godinu, realizovat će se u skladu sa odobrenim mjesečnim planovima, a usklađeno sa realizacijom ostvarenih javnih prihoda u prethodnom mjesecu, osim u slučajevima odobrenim posebnom odlukom vlade.

4. KRITERIJI ZA DODJELU SREDSTAVA

3.1. KRITERIJI (OPŠTI) ZA DODJELU SREDSTAVA :

- da su državljani BiH;
- da imaju stalno prebivalište, odnosno boravište na području Zeničko-dobojskog kantona;
- ovaj program obuhvaća dobnu skupinu mladih, starosti od 7 do 28 godina;
- da su uspješni u oblastima (obrazovanje, nauka, kultura i sport) za koje im se dodjeljuju sredstva;
- da su svojim radom primjer drugim mladima i da promovišu društvene vrijednosti kao što su primjerno vladanje, marljivost i predanost radu, ambicioznost i sl.;
- da aktivno djeluju u društvu uz edukaciju za demokratiju i izgradnju civilnog društva;
- da ostvaruju rezultate na takmičenjima, smotrama i drugim okupljanjima mladih na području Zeničko-dobojskog kantona, Bosne i Hercegovine i inostranstva;
- da dostojno promovišu Zeničko-dobojski kanton na svim okupljanjima mladih kako u zemlji tako i inostranstvu;
- materijalna podrška bit će data udruženjima, asocijacijama i organizacijama koje okupljaju mlade kroz projekte i programe koji treba da sadrže, cilj i sadržaj, vrijeme i mjesto provedbe, opis aktivnosti, broj očekivanih korisnika, udio volonterskog rada u izvođenju ponuđenog programa ili projekta, specificiran detaljni troškovnik izvođenja programa ili projekta;
- korisnik sredstava mora osigurati da je program ili projekt osmišljen na način da je moguće kontrolisati i nadzirati provođenje aktivnosti i potrošnju odobrenih finansijskih sredstava;
- kod finansiranja omladinskih organizacija i ponuđenih projekata za mlade prioritet će imati projekti čije finansiranje nije predviđeno u okviru drugih programa od značaja za mlade, institucije mladih i organizacije mladih u Zeničko-dobojskom kantonu.

3.2. KRITERIJI (POSEBNI) ZA DODJELU SREDSTAVA

- a) Za R.br.1 Podrška mladim u procesu obrazovanja - zvanja koja se dodjelju mladima u procesu obrazovanja:
- Nagrade „Učenika generacije“- osnovne škole
 - Nagrade „Učenika generacije“- srednje škole,
 - Nagrade „Studenta generacije“
1. Akcija nagrađivanja učenika generacije i studenata Univerziteta u Zenici provodi se u najtješnjoj saradnji s Ministarstvom za obrazovanje, nauku, kulturu i sport Zeničko-dobojskog kantona.
 2. Ministarstvo za obrazovanje, nauku, kulturu i sport Zeničko-dobojskog kantona utvrđuje kriterije za dodjelu zvanja „Učenik generacije“ i „Student generacije“, te sačinjava spiskove uspješnih učenika i studenata, a sam postupak dodjele sredstava realizuje Vlada Zeničko-dobojskog kantona.

3. Vlada Zeničko-dobojskog kantona će posebnim zaključkom utvrditi iznos nagrade za svaku nagradu pojedinačno a sama isplata nagrada će se izvršiti na kraju školske godine.
4. Među nagrađenim studentima, mogu se nalaziti i studenti koji trenutno studiraju u drugim centrima Bosne i Hercegovine, i inostranstvu ako im se prebivalište u nekoj od općina Zeničko-dobojskog kantona.

b) Za R.br.2 Podrška mladim stvaraocima iz oblasti kulturnog života- sredstva će se dodjeliti :

1. mladim umjetnicima koji su svojim stvaralaštvom privukli pažnju lokalne zajednice i Zeničko-dobojskog kantona, te osvojili neku od nagrada na takmičenjima ili na smotrama stvaralaštva mladih.
2. mladim umjetnicima koji razvijaju kulturu i umjetnosti putem novih medija i tehnologija.
3. mladima koji se bave izdavanjem omladinskih i studentskih informativnih i obrazovnih glasila te drugim oblicima pisane riječi.

c) Za R.br.3 Sufinansiranje organizacija mladih - sredstva će se dodjeliti:

1. organizacijama mladih koje se amaterski bave:
 - naučno-teničkim stvaralaštvom,
 - sportom,
 - muzičkim
 - rekreacijskim i turističkim aktivnostima (izviđači, planinari i sl.)
2. organizacijama mladih koje su na smotrama, skupovima i takmičenjima mladih postigli određene rezultate ili dostojno predstavljali Zeničko-dobojski kanton i Bosnu i Hercegovinu u cjelini.
3. juniorskim sekcijama ili mlađim seniorima već postojećih organizacija iz oblasti kulture, sporta i ostalih vidova rekreacije.

5. POSTUPAK ZA DODJELU SREDSTAVA

a) Potrebna dokumentacija:

Organizacije mladih, kojima budu odobrena sredstva, dužna su dostaviti sljedeću dokumentaciju:

- popunjen zahtjev za dodjelu sredstava - prijedlog projekta, kojim organizacija mladih aplicira za dodjelu sredstava;
- Naziv projekta s jasnom definicijom ciljeva, ciljne grupe, očekivanim rezultatima, aktivnostima, detaljnom specifikacijom troškova, vremenskim planom provođenja aktivnosti, načinom praćenja realizacije projekta (vrednovanje i mjerenje zadovoljstva korisnika, održivost projekta, te na koji način će aplikant informirati javnost o aktivnostima realizacije projekta);
- za omladinske organizacije - rješenje o registraciji (ovjerena kopija) omladinske ili neke druge organizacije;
- potvrda od nadležne banke da transakcijski račun udruženja nije blokiran u zadnjih šest mjeseci;
- kratak opis organizacije sa podacima o prethodno realizovanim projektima i kvalifikaciji kadrova koji implementiraju projekat (odgovorne osobe, saradnici, volonteri);

b) Postupak odobravanja sredstava:

Zahtjev za dodjelu sredstava zainteresovani pojedinci i neprofitne organizacije podnose Uredu premijera Zeničko-dobojskog kantona, koji će nakon pozitivne ocjene zahtjeva u skladu sa općim i posebnim kriterijima iz ovog programa, a u skladu sa članom 22. Zakona o izvršavanju Budžeta Zeničko-dobojskog kantona („Službene novine Zeničko-dobojskog kantona“, broj 5/12), predložiti Vladi Zeničko-dobojskog kantona dodjelu sredstava.

Sredstva iz programa se odobravaju zaključkom Vlade, u kome će se utvrditi obaveza korisnika sredstava, da poslije okončanog projekta ili manifestacije dostavi Uredu premijera izvještaj o utrošku sredstava.

ZAKLJUČNE ODREDBE

Za realizaciju izvršenja Programa, kao i praćenje pravilnosti i dinamike utroška sredstava zadužuje se Ured premijera i Ministarstva finansija.

Broj: 02-_____ /12.
Datum, 12.07.2012. godine
Zenica

PREMIJER

mr.sci. Fikret Plevljak, dipl.ing.

DOSTAVLJENO:
1x Ured premijera,
1x Ministarstvo finansija,
1x a/a.